


G 30
546

930
546



撫淮小草卷之七

關西道甫李三才著

奏議

回 奏毆死稅官疏

題為豪強劫擄寶貢打死二命請乞

聖明亟賜重懲以正法紀以清錢糧事行據整飭揚州海防兵備右布政使陳璧呈詳審問過犯人王聘尹等招由內開王聘尹年二十七歲直隸揚州府高郵州寶應縣民考

充本縣儒學生員狀招有在官弟王二即
王應聘的名王聘說與在官韓四即韓雪
子王順俱在本縣北門地方居住萬曆二
十八年六月內有不在官王金印劉可燁
朱鴻儒係山東礦稅陳太監處委官奉差
前往江南等處查理船料由儀真江都回
還帶同先存今被王聘說毆死倪學禮溺
死朱龍隨路使喚本月二十四日行至本
縣地方倪學禮得患瘡疾劉可燁將伊票

發本縣泰山廟內觀音閣養病先在官僧
人真喜收票存證本年七月初三日倪學
禮隨令在官僧人衡定權向今不在官醫
人張爆取藥二劑服愈本月初四日朱龍
在於界首湖遭雨濕漏常用衣物與各官
亦在本廟晒晾適因慶賀生辰做戲飲酒
王聘說韓雪子來廟看戲有各委官跟隨
人役嗔阻時倪學禮朱龍率衆將王聘說
韓雪子採辱一頓各披髮回家王聘說向

聘尹與韓雪子向伊在官兄生員韓士章
泣訴被委官跟隨人毆打情由聘尹與韓
士章各不合伏倚衣巾忿然不平隨即率
領王順同王聘說等詣廟與委官講論去
時聲氣猛烈沿街無藉之人聞知委官事
情多有隨從出力者及至廟門倪學禮仍
前叱阻王聘說韓雪子認得倪學禮朱龍
面貌與王順各不合齊聲呼道不如打他
一頓洩忿等語遂將倪學禮拏住王聘說

即下手將伊致命處所痛毆朱龍前來勸
解亦被韓雪子打訖數下餘各乘勢喧喊
聘尹與韓士章各又不合不行嗔阻王金
印等見勢兇惡迴避閣上各方散訖王金
印等當將倪學禮等帶至船上看視朱龍
傷輕尚可行走倪學禮傷重垂危料無生
理至晚將倪學禮仍送廟內朱龍留在船
上彼時先存今故汪四即汪信並未在內
在官地方張問禮證適值本縣宋知縣公

出該巡捕典史帥述將王聘說等并省發
徐完等捉拏收禁王金印等開船於本月初七日行至淮安府清江浦地方朱龍偶因失脚溺水淹死彼時王金印喚令先在官地方李江并不知姓名十人將屍撈獲上岸王金印賞伊酒銀一錢隨即買棺埋葬河隄上訖王金印復虛開搶奪物件差人粘貼本縣馬頭前至初八日午時倪學禮在廟身故張問禮稟縣着令王聘說等

出銀三兩與僧人衡定權買先在官席宗棺木盛殮及令先在官土工徐舒埋葬訖王聘說韓雪子等因見前帖及倪學禮身故恐問重罪令聘尹與韓士章措處銀兩央先在官潘銀匠傾銷色銀二百兩托先在官義官馬守義及張問禮衡定權等趕至清江浦將銀一百兩與委官作為調治藥資又銀一百兩陪還跟隨人役衣帽交付劉委官未到長隨王誠伊不合拐逃去

訖王金印將朱龍身故及倪學禮等命垂
旦夕情由虛開刼掠珍玩方物等多數呈
報本監備開手本移送鳳陽巡撫李都御
史并巡按安御史處劄案備行揚州兵備
陳右布政使劄仰本府上緊緝拏追究招
解蒙府帖仰本州即便會同寶應縣將王
二等并已死朱龍根由研審具招解審等
因本州遵依帖行本縣會審間本縣宋知
縣回縣帥典史將王聘說等具由呈堂張

問禮真喜等連名呈稱劉可燁等在於泰
山殿飲酒搬戲有王二韓雪子等窺看被
跟隨手下人役不容互相爭嚷隨即勸散
本官先有不知姓名跟隨人患病送本閣
醫治不痊身故等情呈縣備由通詳蒙巡
撫李都御史批仰揚州道查報又蒙操江
耿都御史批仰兵備道查報又蒙巡按吳
御史批揚州道查報又蒙巡江朱御史批
泰山殿非戲飲之場委官劉可燁狐假狼

貪戲飲之中何所忌憚而王三韓雪子敢犯其鋒乎申稱委官患病送閣醫治者的於何日其掀戲而爭嚷又的於何日便難以人命混賴也仰府查確併各院詳行報奪又蒙本道批仰府併查確速報續蒙本道備抄前項批申劄仰本府從公研審是否毆死病死如係毆打即便委官檢驗或係患病即拘寄住僧真喜等并用藥醫生細審致死根因其單開珠玩衣囊等物一併

追究下落果否構引多人係何姓名打搶何物見在何處有無實據一併查勘的確招解蒙府備帖仰州會同寶應縣審究招解間委官王金印備稱家人朱龍於初七日身死外有倪學禮隨於初八日在奶奶廟亦氣絕身死本廟在官僧人真秀報證等情具呈本監復用手本移送巡撫李都御史劄仰本道即委多官查勘追究擬招通詳又蒙巡按吳御史憲牌發道嚴行緝

拏查究等因蒙道備行本府轉行本州會勘間本州備申本監請發委官王金印等會審未蒙發下聘尹與韓士章因倪學禮朱龍相繼身故各又不合代弟王聘說等出辯梟稱大亂等情狀赴巡撫李都御史處告准批仰淮徐道查報或有別故一問稅監可也蒙去任淮徐兵備郭叅政遵將原詞粘單抄發淮安府查審該府將王聘說等前情具由回復本道備由請批就便

歸問申詳李都御史蒙批仰揚州道速查報聘尹又梟抄詐等情狀赴巡按吳御史處告准蒙批揚州道查報又梟假官酷詐情詞狀赴本道告蒙批仰府併查確詳聘尹又梟飛屍挾詐情由狀赴巡江朱御史處告蒙批仰府問報蒙道又將前批詞詳陸續行府帖州後蒙本監將王金印所呈原情并稱強劫人命情由批發委官顧其禮查審僧人衡定權口詞俱蒙備仰本州

即便會同本監委官并寶應縣正官從公
嚴審相驗二屍傷痕填圖取結追究進
上珎玩錢糧下落具招解送本監面審的確具
奏等因遵行間隨該顧委官會同本州掌印
孔知州并本縣掌印宋知縣於本年九月
三十日帶領該吏毛如新周自明并徐州
仵作高第本州仵作鄭冠及押王聘說等
一千人證親詣已死倪學禮屍棺處所如
法初檢得本屍仰面偏左連左太陽穴有

傷紅紫色量得圍圓六寸五分左右太陽穴
與偏左傷同偏右連右額角右太陽穴右
腮脰有傷紅紫色四散難量分寸右額角
與偏右傷同右太陽穴與右額角傷同右
腮脰與右太陽傷同顙門連額顙有傷紅
赤色量得圍圓四寸五分額顙與顙門傷
同上牙脫落六箇下牙脫落七箇俱有孔
無色係死後脫落咽喉用銀片探毒銀不
變色右胎膊連右肱脰右手腕有傷紅紫

色徧傷難量分寸右肱與右肱膊傷同
右手腕與右肱傷同左前肋連左後肋
有傷紅紫色骨散難量分寸右前肋連右
後肋有傷紅紫色骨散難量分寸左膝連
合面左臀有傷紅紫色高低骨難量分寸
右膝有傷紅紫色量得斜長二寸五分闊
七分左腿有傷紅紫色量得斜長一寸二分
闊四分右腿連右膝右臙有傷紅紫色
傷大四散難量分寸右膝與右腿傷同

臙與右膝傷同右耳根有傷紅紫色量
得圍圓一寸五分左臂膊有傷紅紫色四
散難量分寸右手腕與前手腕傷同脊背
連脊脅有傷紅赤色骨散難量分寸脊脅
與脊背傷同左後肋與前肋傷同右後肋
與前肋傷同左臀與左膝傷同檢畢將屍
入棺責令地方張問禮領看外取具吏仵
各不扶結領在官查得朱龍身屍在於山
陽縣清江浦地方又會同於十月初一日

已時帶領吏仵押簇王聘說等前至朱龍
屍所開棺如法初檢得本屍仰面顙門有
傷紅紫色量得圍圓二寸五分左右太陽穴
有傷青紅色量得圍圓二寸左腮脰有傷
紅赤色三岔骨難量分寸上牙脫落七箇
俱有孔無色死後脫落咽喉用銀斤援毒
銀不變色在胎膊連左肱肱有傷青紅色
四散難量分寸左肱肱與左胎膊傷同左
前肋連左後肋有傷紅紫色傷大四散難

量分寸合面脊背連脊脊有傷紅紫色四
散難量分寸脊脊與脊背傷同左後肋與
前肋傷同檢畢將屍入棺責令地方李江
看守外取具吏仵土工地方人等各不扶
領結在卷初審之時王聘說又不合隱下
的名仍止供王二及與韓雪子等各又不合
隱下毆死倪學禮真情虛認陪銀二千兩
王聘說因見韓雪子窮寒汪信係伊至親
家資稍裕又不合妄攀汪信在內助毆等

情致蒙看得王二韓雪子等見在廟內看戲與稅監委官劉可燁等從役厮嚷伊親汪信從而助毆於是王順等與不記姓名共二十餘人呐喊一聲致委官王金印避錘於閣上則其從役之被毆者豈止一人但檢驗二屍寥寥數傷雖顙門兩肋係屬致命而徧傷紅紫骨節無恙夫豈速死之證况倪學禮則有劉可燁給付兩僧養病之票醫生張爆治瘡之供朱龍則有地方

李江清江浦溺河之言及土工撈屍埋屍之證論以人命未見的確或被毆者未必死死者非所毆彼劉可燁等特以被毆不堪且二人之死期適相值也故併呈之以甚其罪乎至於誰搶貨物則屢拷未見真贓輒稱毆時圍觀叢亂其衣服用器一時不能收拾則有之耳具由於本月十六日將王聘說等申解本府仍具由詳申本監蒙本府楊知府詳批據審王二韓雪子因

看戲與委官劉可燁等從役廝嚷汪信從而助嚷致委官避於閣上又言從役之被毆者不止一人則毆情酌矣至檢驗二屍既有致命傷痕而又云倪學禮有養病之票朱龍有溺河之說謂二人之死非由於毆而適與毆期相值信如此說則屍傷多有着落必須定執方可成招而含糊具由何以允轉且衣物直可二千金亦云多矣一時搶失豈據化為烏有而何無一真贓

據稱已賠是否情願仰高郵州會同該縣細加研審招解奪蒙州遵依備行本縣會審間又蒙本監批據詳二屍徧體皆傷則當時被毆可謂慘矣恐不得以病弱為兇犯解脫也查委官顧其禮所申有黨惡汪四見以強盜被拘則前日之聚眾搶劫可知矣而詳內竟為開削未必無曖昧之情仰會同委官覆審明白解監親鞫的確具奏續談顧委官會同本州孔知州本縣宋知

縣行提王聘說等覆審仍前隱情願陪致
蒙看得王二韓雪子先因委官劉可燁等
演戲廟中二犯以看戲爭嚷乃汪信與王
順及生員王聘尹韓士章等率衆護闖致
委官王金印避鋒閣上誠有爭鬪之情會
檢倪學禮朱龍二屍則其所報之傷亦有
之顧詢之地方僧醫及檢委官硃票則倪
學禮乃六月二十四日癸廟閣上醫治之
病夫也他人避之閣上可以免毆則學禮

原在閣上者衆兇惡得毆之比驗左右太
陽穴左右兩肋傷痕俱一片紅紫難量分
寸誠大類乎病夫久卧成傷者獨顛門一
傷似属致命但稱於三月後身死必其重
傷骨破今痕雖紅赤骨中無損則又豈係
速死者盖必病時滾墊所致乃右膀左腿
二傷斜長原非致命誠係病時扶挿撞磕
所致也如果有傷越三日死矣則豈不登
時留之廟中而復取回船上乎至於朱龍

則審之地方埋葬人俱稱溺水而驗其屍
則傷痕尤少且輕大類溺水者磕墊所致
且果毆傷矣則何不於送學禮之時一併
送之况毆後落水律無抵償乎察傷推情
終難擬以重獄王二韓雪子汪信應擬徒
王聘尹韓士章王順俱助毆人姑各擬杖
各犯亦自知為自作之孽而俛首無詞矣
取供問擬王二韓雪子汪信俱棄毀人器
物徒罪王順與聘尹韓士章俱不應杖罪

具招連人申解本府蒙批據招倪學禮死
於病矣而傷多致命夫豈病而傷乎朱龍
死於溺矣而檢多重傷夫豈溺而傷乎且
招稱委官從之被毆者不止一人則二命
又若斃於毆矣審傷全無下落近於為各
犯解脫者夫人命關天若果病而死一徒
猶冤若毆而死即償不枉招中漫為兩可
之說又若毆與溺與病之間何以定大辟
也至於擄搶貨物而謂其盡付東流又若

無據金銀既非晒晾之物二千金衣服即數十人不易負况搶之何心棄之又何心也或以補賠以飾其病與溺之說耳面質汪信再三稱寃即生員韓士章亦為信解是否冤枉有無別情仰江都縣虛心逐一從公檢審停當毋使生死兩寃可也速速該縣行提王聘說等人證到官研審王聘說等方將打死倪學禮梃稱病故假稱賠銀二千兩求脫大辟等情供出看得王二

韓雪子以看戲被毆時倪學禮朱龍為首倡王二朋謀報復入門之時已熟識倪朱兩人面矣乃各采其一而痛毆之以為病也而醫生張爆未見病者何人且致命重傷非可因病而得以顛門為滾壓所致夫滾壓能施乎皮膚面目而必不能施乎顛門朱龍之傷以為溺水磕墊所致亦附會之說也張問禮口稱王二等率眾惡打獨委官避禍於閣上餘無登閣者且毆時原無

汪信形影安得無端而波及之貨物既稱
委棄於河而行償則人命反不當償乎蓋
陽借色賠之名而陰掩抵償之寔也夫末
減難糊巷議之口而厚利豈媚委官之心
殺人者不死令學禮含冤於地下無干者
波及致汪信飲恨於人間非情非法也王
二韓雪子依同謀共毆之律係下手致命
擬抵王順以同謀之故量減擬徒其生員
韓士章王聘尹以共毆餘人擬杖其混搶

晒晾衣物并席間用物前於清江浦賠銀
二百兩猥云王誠拐走者非情也第不較
其多寡究其下落足矣欲候檢成招猶恐
遲緩除先行移屍候至日檢明另行揭報
外取供改擬王二韓雪子俱同謀共毆人
致死以致命傷為重下手絞罪王順元謀
徒罪韓士章餘人杖罪聘尹未到照提具
招連人申解本府蒙批據招極的但審地
方張問禮稱生員王聘尹帶領多人毆打

則死之根源不徒二兇已也事干人命豈
得以生員倖免乎仰嚴提另報不必招止
追口詞揭報可也速速遵行間汪信因被
王聘說等誣執致伊賠費過銀二百八十
三兩不甘備以激變情詞將伊不在官男
生員汪有瀾姓名出詞具狀赴巡撫李都
御史處告准蒙批仰揚州道查報蒙道抄
詞備行本府江防帶管理刑李同知處問
理行間汪信又將前情仍以汪有瀾姓名

出詞狀赴巡按吳御史處告准蒙批仰揚
州府李同知問報又以飛殺激變情詞狀
赴本道告准蒙批仰府併查報蒙府抄詞
備行江都縣併審招解談劉知縣遵將倪
學禮身屍於本年十一月初一日移取到
縣於本月初三日帶領吏仵姚惟時等親
詣倪學禮屍所覆檢得本屍偏左牽連左
太陽穴有傷紅紫色圍圓六寸五分審王
聘說招用拳平打成傷左太陽穴與偏左

傷同偏右牽連右額角右太陽穴右腮腴
有傷紅紫色四散難量分寸審王聘說招
用拳打去右向跌倒成傷右額角與偏右
傷同右太陽穴與右額角傷同右腮腴與
右太陽穴傷同以上各傷與初檢傷同顙
門牽連額顙有傷紅赤色量得圍圓七寸
五分審王聘說招用拳平打成傷初檢招
係四寸五分額顙與顙門傷同上牙脫落
七箇下牙脫落九箇俱有孔無色係死後

脫落口內用銀片探毒銀不變色右胳膊
牽連右肱腕右手腕裏外有傷紅紫色片
傷難量分寸右肱腕與右胳膊傷同右手
腕與右肱腕傷同左肋牽連左後肋有傷
紅紫色骨散難量分寸審王聘說招用亂
腳踢下因而滾跌成傷右肋牽連右後肋
有傷紅紫色骨散難量分寸兩胯左連合
面左臀紅紫色高低難量分寸審王聘說
招用亂拳因而跌傷右有傷紅紫色斜長

二寸五分闊七分審王聘說招用竹板打傷以上各傷俱與初檢傷同兩腿左有傷紅紫色斜長一寸五分闊四分初檢招係斜長一寸二分牽連右膝右臚肋有傷紅赤色四散難量分寸初檢招係紅紫色右膝與右腿傷同右臚肋與右膝傷同右耳根有傷紅紫色量得圍圓一寸五分審王聘說招用棍條一撞成傷左臂膊有傷紅紫色四散難量分寸各傷與初檢傷同右

手腕與前手腕傷同脊背牽連脊脅有傷紅紫色骨散難量分寸審王聘說招稱因打滾跌成傷初檢招係紅赤色脊脅與脊背傷同左右後肋與前肋傷同左臂與前左膀傷同沿身上下翻覆檢驗並無他故將屍入棺責令地方看守取具吏仵各不扶甘結在卷看得王二之毆死倪學禮檢以致命無詞矣朱龍雖由韓雪子之毆然死於溺也與死於毆者似有間矣當與王

順韓士章共毆者同王聘尹雖係同毆而非下手致命之人且弟辟家破杖決末減庶為情法兩盡朱龍之屍未到雖云未檢實殞於溺也伺移屍至日另行揭報取供問擬王二同謀共毆人致死以致命傷為重下手者絞罪韓雪子王順俱元謀徒罪聘尹與韓士章俱餘人杖罪具招連人申解本府署印江防李同知處覆審看得王二因看戲小故忽毆倪學禮致命重傷五

日身死抵無說矣韓雪子雖混毆朱龍去淮安而死於溺則當時毆狀未至狼狽且榆傷亦輕難槩坐以重辟也至於搶擄貨物審無的據此正本犯借補賠之說倖免一抵也夫錢神有靈殺人不死如天理之法何扎韓雪子與王順助惡扛幫徒亦允宜王聘尹韓士章縱弟毆人杖亦示懲具招於本年十二月十七日連人申解本道詳審蒙批據招倪學禮之死由於毆朱龍

之死由於溺情近真矣但生員王聘尹韓士章率領多人有無主使羣手行兇何以辨為王二毆重也且衡定權代倪學禮取藥調病乃緊關干証何不提到一訊乎朱龍既稱溺死而撈屍之李江尚未解審即屍傷亦未見溺死之狀殊屬欠確至於搶奪財物固云無據而晒晾衣服的有若干賠銀之說誠以飭人命而汪信無辜胡被牽累委官王金印劉可燁朱鴻儒原指查

河道錢糧自五月至七月往來淮揚之間大張局騙其祝詞聳稟得無意耶招多草畧難以轉呈仰府再委勘詳悉另詳報奪母縱母緩遵行間有不在官阮志學倪稱妹夫倪學禮随同原奏委官劉可燁等前往淮揚查理錢糧於七月間行至寶應禍遭慣賊汪信等窺闖各官帶有珍玩錢糧等物輒起盜心聚黨打入廟內劫財殺命燁等具申蒙差委官會審可憐學禮致命

重傷泣思慣賊汪信造謀率衆律有明條
懇乞提究雪冤等情具告本監查得告詞
又與原招有異備開手本移送巡撫李都
御史處劄仰本道即行原問衙門究確解
審其打搶銀物亦須嚴查有無下落是否
的實一併詳奪等因又蒙巡按吳御史案
驗本道轉行該衙門查審蒙道行府牌行
江都縣即便會同儀真縣速提王聘說等
一千人犯細加會勘明白取具妥招解審

蒙江都縣先將汪有瀾所告狀詞行提聘
尹等到官審得聘尹兄弟濟惡毆死人命
自思韓生員之貧也而妄供汪信以信之
稍有家資而韓生員之親也欲其無干包
賠情乎法乎汪信已出銀二百八十三兩
姑令聘尹事結之後陸續交還具由於萬
曆二十九年正月初十日申詳本府蒙批
汪有瀾候會勘歸結汪信因被王聘說無
故攀害賠費多銀因而氣鬱成病於本月

十七日身故伊男汪有瀾不甘將活殺父命等情具稟本府蒙批汪信之死真為冤鬼仰江儀兩縣一併查究該江都縣劉知縣遵將僧人衡定權并清江浦地方李江各關提前來及吊取朱龍屍棺於本月三十日會同儀真縣蘇知縣帶領吏仵潘春等押簇王聘說等一千犯證親詣朱龍屍所如法覆檢得本屍偏左牽連左太陽穴有傷紅紫色量得尖圓六寸五分左太陽

穴與偏左傷同顙門有傷紅紫色量得圓圓四寸左腮頰有傷紅赤色三岔骨難量分寸兩竅用清水洗出泥沙取封在官下牙脫落八箇俱有孔無色死後脫落口內用銀片探毒取出銀不變色兩血盆骨牽連胃膻心坎有傷紅紫色三岔骨難量分寸胃膻與血盆骨傷同兩胎膊左牽連左肱肱有傷紅紫色四散難量分寸左肱與左胎膊傷同左肋牽連左後肋有傷紅

紫色骨散難量分寸右肋牽連右後肋有
傷紅紫色骨散難量分寸兩後肋與前肋
傷同脊背牽連脊脅有傷紅赤色四散難
量分寸脊脅與脊背傷同沿身上下翻覆
檢驗別無他故檢畢將屍責令地方張經
領看外取各不扶甘結在卷當場逐一細
加研審看得王二之爭毆事起倉卒原無
成謀王聘尹等偶見弟之披髮泣訴觸景
動情即羣起而毆之不但不能謀之於人
亦且不暇謀之於心入廟之時王二首將
倪學禮採打則學禮之傷重而殞王二之
抵償無詞矣朱龍之屍鼻孔尚有沙跡地
方李江撈取有據則死於溺也非徑死於
毆也韓雪子當稍從未減與王順擬徒矣
王聘尹既不能訓其弟又不能束其身本
當問革但念弟辟家破姑從未減同韓士
章杖懲此事無原告可執祇據屍傷檢驗
參以中證之說云耳汪信無辜累死情殊

可憫前銀候事結之日責令聘尹陸續補還死生有命亦委之天數可也取供仍依原擬具招間李江懼怕拖累乞要批縣免解具狀於本年二月初三日起本道告准蒙批仰揚州府查報遵行間江儀二縣將王聘說等前招連人申解本府覆審看得王二之毆倪學禮也王聘尹韓士章時與王金印等在堂理講原無威力主使之情而王二因王順等齊聲呼叫不如打他一

頓之言入門即先毒毆其學禮死於二之手明矣業經檢認明的擬抵何辭朱龍雖被韓雪子毆訖數下委由溺水而死檢有泥沙并撈屍李江可據難槩抵償但韓雪子與王順倡言起釁各徒允宜王聘尹韓士章不忍一朝之忿而致弟刑家破雖無共毆之情而實開然起事各杖亦當再照晒晾衣數朱龍已死王金印等未到無憑對理汪信無辜被累而死其情不無可憐

姑照縣斷聘尹名下將汪信出過銀兩陸續交還伊男汪有瀾收領以杜後詞取供仍依原擬一面呈詳巡江朱御史處一面申解本道查詳間續談不在官官商于以龍風聞王聘說等打死倪學禮等二命及王金印等虛報損失道

上王孟古鏡等寶物價值萬金將王聘說名寫作王應聘具本奏奉

欽衣着原管內官陳增會同撫按等官上緊查

勘嚴提問擬明白具奏隨蒙本監備用手本移送巡撫李都御史處劄仰本道轉行原問官員將于以龍所奏情節併行鞫審內開損失物件與該監節移手本內數目是否相同俱要嚴查下落擬招解詳定奪仍解該監覆審等因又蒙巡按吳御史案牘本道即提覆審具招通詳蒙道劄府併案通提究確招詳仍審王二的名入招等因本府遵行間續蒙本監差人守提王聘

說等本府不敢擅議具由申詳本道蒙批
仰照近日割付行再審詳報人犯徑解赴
該監可也繳又蒙巡撫李都御史憲牌催
問蒙本府署印江防李同知又徑行提王
聘說與聘尹等審看得王二因看戲小忿
兇毆倪學禮五日身亡雖共毆有王順等
而下手致命者二毆之也擬以抵償夫復
何辭朱龍委係溺水身死檢有兩竅沙泥
可證實與韓雪子無干但韓雪子與王順
輕擅助毆王聘尹韓士章黨同嚷鬧均非
善類分別徒杖各當其辜至於奏稱損失
進

上寶物再三研審衆證稱無實據難以窮究取
供仍依原擬具招申詳本道蒙批仰查王
二的名入招另詳前行已久豈該府未見
耶併查報又蒙牌仰本府再加酌審詳敘
定擬招首明白并審王二的名與王應聘
的係何人一併入招連人解審等因遵行

間蒙巡江朱御史將本府前呈招由批兵
備道覆詳確報行間蒙府又提聘尹等到
官審問王聘說方將伊的名并王應聘即
係聘說一人情由供出除改正敘招外其
各犯情罪節經叅審明妥無容復贅相應
仍照原擬具招間又蒙巡撫李都御史割
付准工部咨開將予以龍奏奉

欽依內事理嚴行提問立限會同回

奏等因備劄本道行府催申聘尹等招由到

道覆覈無異看得王聘說韓雪子以看戲
被毆抱憤忿不平之氣各庸懇於其兄乃
王聘尹韓士章自恃衣巾逞身而往意在
爭論而附近街民王順等聞聲赴援不約
而同羣手行兇致倪學禮竟斃四日之內
檢有重傷其為毆死無疑矣王聘說下手
最先抵有何辭韓雪子王順原有棊打之
言律以元謀均為不枉王聘尹韓士章自
遊覺序効市井之態弗懲小忿激成大禍

情殊可恨但聘尹弟陷重辟士章弟為城
旦創亦至矣合姑擬杖免革朱龍之死由
於墜水檢證既明無可他求其王聘說等
當初審之時妄認賠銀覲脫重罪耳今屢
審財物毫無指據人命當償安容展倖委
難斷追汪信無辜累死所費銀兩合於王
聘尹名下追還其子汪有瀾收領至如損
失寶物審無實據難以窮追議得王聘說
韓雪子王順王聘尹韓士章俱合依同謀
共毆人因而致死者以致命傷為重王聘
說下手者律絞秋後處決韓雪子王順俱
元謀者律各杖一百流三千里王聘尹韓
士章俱餘人律各杖一百韓雪子等有

大誥及遇蒙

恩例通減二等韓雪子王順各杖九十徒二年
半王聘尹韓士章各杖八十王聘說係重
刑牢固會審轉詳處決審韓雪子王順俱
稍有力與王聘尹韓士章各照例納贖照

追王聘說重刑免紙王聘尹韓士章各官
紙銀三錢韓雪子王順各民紙銀一錢二
分五釐并各贖罪不等韓雪子王順各銀
九兩王聘尹韓士章各銀四兩俱追貯揚
州府官庫照例糴穀支解其汪信出過銀
二百八十三兩聽王聘尹徑還伊男汪有
瀾收領取實收領狀繳報未到有罪王誠
另行提結等因具招呈詳到臣據此查
萬曆二十八年七月二十三日先據實應

縣申據泰山殿地方僧人張問禮真喜等
各呈稱本月初四日有稅監委官劉可燁
等在於本殿搬戲飲酒有王二韓雪子等
窺看比有跟隨手下人役不容互相爭嚷
隨即勸散本官先有不知名跟隨人患病
送本廟醫治不痊于初八日身故等情到
縣隨審地方僧人執稱彼此打嚷是實人
命尚未究的合先申報等因行間續准山
東徐州礦稅御馬監太監陳增手本內開

委官王金印等在於寶應縣泰山殿晒晾
衣物突遭積賊王二等打搶去大卷箱二
隻皮包二隻玉帶二圍紗羅段蟒衣四套
刺絲蟒衣一套金美人自斟壺一把重三
十二兩綠寶石一塊重八分二釐無眼大
圓珠五十顆重一兩七錢二分金鑲碧玉
繚環一柄玻璃酒壺一把銀福壽自斟壺
二把重五十兩玉香爐一箇玉果盒二箇
玉盃盤二副古銅漢鼎爐一箇漢玉花尊

二對綉段紗羅一百三十疋大羊皮圍屏
四架堆紗百美圖圍屏一架銀酒船二隻
重六十五兩金底翠花五十對每對重一
兩四錢斷文古琴一張小李將軍手卷一
軸唐馬四幅詩畫棕牙檀香扇二百把并
家人朱龍傷重于本月初七日氣絕身故
其倪學禮等命亦垂在旦夕緣由又移手
本開稱倪學禮隨於初八日仍在泰山殿
亦已身死行間又於萬曆二十九年四月

內准工部咨都水清吏司案呈奉本部送
工科抄出原奏官商于以龍奏內開采置
倭產龍蛋壺一把金美人自斟壺二把玲
瓏白玉帶二圍晴碌鑲嵌紫金盤二面羊
脂白玉盃十對蜜色犀盃十對古銅鏡十
面周鼎一座棕竹泥金扇一百柄湘妃梅
綠竹扇一百柄雕刻篆龍金扇一百柄古
今名臣詩扇一百柄鑲嵌紫檀諸色文具
二架價值萬金遣官王金印進

獻豈金印不體忠誠嗜酒無賴行至寶應縣地
方與巨豪王應聘汪信縱飲醉後生端聚
衆起鬪打傷倪學禮朱龍損失玉盃古鏡
當經驗獲等因奏奉

聖旨這奏內巨豪王應聘汪信并王金印及原
奏官商于以龍劫擄寶貢聚衆打傷人命事
情便着欽差內官陳增會同撫按等官上緊
查勘嚴提問擬明白具奏還立限與他該部
院知道欽此欽遵備咨限本年五月終回

奏各等因到臣諛臣先後俱經劄行揚州海
防兵備道查勘究問去後今據招詳前來
覆覈無異諛臣會同巡按直隸監察御史
吳崇禮山東徐州礦稅御馬監太監陳增
看得犯人王聘說韓雪子以看戲阻聘
說輒逞忿糾夥毆倪學禮負傷死限內
檢究既明擬抵何辭雪子亦毆朱龍數下
但龍實在淮安清江浦百十餘里之外溺
水而死地方李江撈屍的有證據律無抵

償合與王順坐以元謀各徒不枉王聘尹
韓士章仗倚衣巾縱弟召禍雖未共毆實
則肇釁各擬杖懲似亦允當至於官商于
以龍所奏損失物件并前稅監委官王金
印等所開衣物等項節諛多官鞫審委無
的據難以懸追且于以龍止稱損失玉盃
古鏡當經檢獲而王金印等先呈搶奪如
許後于以龍所奏如彼同夥同事之人所
開物件亦自前後多寡迥異則裝梘之情

不待往返訊究而明知其誣矣既經道府
究明又諒臣等會勘無異相應依擬回
奏除將各犯批令監羈聽候外今將問過招
由理合會

題伏乞

勅下部院覆議上

請行_臣等遵奉施行緣係奉

旨會問人犯事理未敢擅便為此具本專差承
差涂麒齋捧謹題請

旨

萬曆二十九年五月二十五日具題奉

聖旨

抄

卷之七

七

糾同稅官嚇詐平民疏

題為惡勳逆子假官詐

旨合夥挾騙驚擾地方事臣奉

命撫淮值時多事鹽稅蘆洲內使四布幸而仰

憚

皇上之明威俱知歛戢凡有関提無不會同撫

按備行道府以及談州縣內使不得擅行

勾攝各官不得擅為執拗無非奉

皇上之

明命了地方之公事而已詎意有假官詐
旨合夥挾騙如誠意伯劉世延父子者不敢不

一聞之

皇上也近於六月初一日突有江都民人陸梅
赴臣衙門跪門扭同光棍數十人進告內
稱徐州稅府王委官差人捉拏至急臣隨
押鞫泰州署印揚州府江防同知李仙品
究問隨據本官呈稱審得陸電與伊叔陸
心俱江都縣民種田過活並不為非至本

年五月二十八日有徐州稅府委官王金
印差人何賢羅相周明并誠意伯家人劉
三張五協同邵伯巡司弓兵楊正姚林蕭
爵王曉季友蔡銀等前來陸電陸心家內
稱說你家盜挖

皇墳窩賊窩盜如今差我來拏你們解京等語
將二人用鉄繩鎖靠劉三講令陸電陸心
處些銀子送他了事去罷周明腰內取出
稅府王委官信牌一張上用私記關防號

印內云着落邵伯巡司等官添差協拿各
正身鎖扭解監究審等情並無原首告主
干證名姓明是紮詐陸電父陸梅所以奔
告再三審出前情擬合回報等因到臣臣
不勝驚訝夫內監拘人自有本監印信自
當關會院道及行府縣等官未有么麼委
官私用印信徑拿良民者今謂陸電等盜
挖

皇墳夫

皇墳乃

祖陵之稱也

祖陵一在泗州一在鳳陽其去邵伯之地不啻
七八百里彼中有鎮守內臣司道各官守
衛官軍不下三四千名而陸氏叔姪何等
而敢盜挖乎萬一有之鎮守內外各官罪
不容於死矣且堂堂

天朝誰敢有盜及

陵寢者非喪心病狂之甚亦不好出諸口非喪

心病狂之甚亦自知其誣也窩賊何人所
首窩盜何人所證無影無形平空鎖拏且
騙且搶勢如狼虎及臣親審其家人劉三
則稱我老爺把党太監暨太監衆了如今
朝廷要拏我小爺們在此候

旨體訪內外大小事情夫所謂老爺者劉世延
也所謂小爺者劉三劉四劉六劉七也劉
世延老諄風顛信口噴血逢人即噬其衆
暨祿党存仁也實出劉四劉六之手世延
尚屬不知其藉此聲勢以嚇詐官民則諸
子一律矣至於未經奉

旨而稱有

旨拏他自係舍人而稱體訪事情面欺
皇上以挾制內臣假傳

聖意以恐嚇百姓至於乘輿張蓋懷金衣錦特
其緬故耳罔上行私冒濫名器訛言惑衆
弁髦法紀世延父子誠不可勝誅矣先是
內臣党存仁丈勘洲田而劉七乘輿擁衆

多方阻撓徧稱勦府洲地不許丈量稅使
暨祿駐劄儀真而劉七差棍徒陳邦泰等
百十餘人恐嚇收稅委官鮑世元口稱稅
監已被叅論你等可備銀千兩送與六爺
七爺方免拏問如劉三劉四則坐在南京
水西門外為之謀主為之布置其往來淮
揚之間侵奪占據不知凡幾其招集亡命
結黨合夥又不知凡幾矣魍魎公行士民
膽落此豈

臣世之所宜有耶夫劉世延也向以假印妖言
罪當大辟矣

皇上弘恩

赦令回籍可不謂非常之幸乎乃尚不省改而
愈肆狂諄說謊欺

君縱子挾騙假

旨詐官愍不畏死此在昏濁之時庸常之主猶
所弗堪而况當此

清明之世

皇上之

神明兼照

威權獨斷如此哉若謂此牌原係王金印之擅
行何所差皆世延之家奴耶且王金印見
為于以龍所奏奉

旨提問何得又敢私行牌票挾詐平民耶陳增
平日提人未嘗不關會撫按脫當住提者
臣即移文止之而今日何獨不然耶明屬
詐偽不問可知除將劉三等發行泰州改
問外其劉世延父子劉三劉四劉六劉七
等詐騙情節伏望

皇上憫念民窮特為作主

勅下法司將事內有名人犯提問明白回

奏仍乞

天語丁寧鹽稅蘆洲各官各守疆界不許侵越
凡有関提湏各監手本知會臣等不得縱
容下人擅自挾騙庶水火之民猶獲一分
之賜而倒懸之衆未即土崩之虞矣緣係

惡勳逆子假官詐

旨合夥挾騙驚擾地方事理未敢擅便為此具
本專差承差涂麒齋捧謹題請

旨

萬曆二十九年六月初二日具題奉

聖旨

府佐給由疏

題為遵例保留給由府佐官員事先據直隸
鳳陽府申准本府同知史可述關稱見年
四十五歲河南河南府偃師縣人由舉人
萬曆十一年五月十三日除授河南衛輝
府新鄉縣儒學教諭本年六月二十六日
到任十二年正月初六日丁父憂十四年
四月初六日服闋赴部本年十二月十九
日復除山西汾州孝義縣儒學教諭十五

年二月十五日到任十九年閏三月十二日陞授陝西鞏昌府通渭縣知縣本年六月二十三日到任二十五年十二月十三日陞授今職二十六年五月初二日到任扣至二十九年四月初一日止連閏實歷俸三十六箇月三年任滿例應給由等因關府申報到臣隨經批行潁州兵備道查勘去後今據署道事鳳陽府知府金時舒呈行據鳳陽府呈查得同知史可述三年

任內並無不明經手錢糧亦無粘帶不了事件公私過名等項違礙情弊例應給由造冊赴部考覈但本官專管清軍又兼總捕即今地方災荒民貧多盜全在本官殫壓且近委修培

陵園見今興舉鳩工庀材難以離任合應照例保留等因到道看得同知史可述三年任內委無違礙應准給由且本官職專清軍總捕事務繁冗地方多事見蒙委修

皇陵均屬重責委難離任請乞照例保留等因
具呈前來據此查先准吏部咨為酌議
考課之法以肅吏治事今後在外三六年
考滿官員除方面府佐照舊赴京有事地
方照舊保留聽撫按從公考覈賢否具
奏先令帶俸就彼復職管事牌冊差人齎繳
其稱職經薦應得

誥勅命者照例

請給等因題奉

欽依移咨遵行在卷今據前因該臣會同巡按
直隸監察御史吳崇禮考覈得鳳陽府同
知史可述佐郡廉平守已謹慎稱職第本
官職司清軍總捕時值地方荒歉訟獄繁
興兼以近日題

准修理

皇陵工程頗大全藉本官料理既經談道查議
前來相應保留伏乞

勅下吏部覆議上

請照例行令史可述免其赴部容令接俸管事
造冊差人齎部考覈施行緣係遵例保留
給由府佐官員事理未敢擅便為此具本
專差承差蔡宗齎捧謹題請

旨

萬曆二十九年六月二十四日具題奉

聖旨吏部知道

兵備患病疏

題為道臣因親成疾照例代

題更乞就近速補以安地方事據整飭揚州

海防兵備浙江右布政使陳璧呈稱本職
於本年二月內以親老身病具呈乞休業
已至再並蒙各院批留因思

主恩難報知遇當酬專意醫藥庶幾有瘳以圖
報塞奈數月以來雖杜門調理而時事多
虞兼之代庖淮徐道事務弗得弗力疾支

吾精神益耗疾勢轉增偶於四月初三日
檢閱公文忽吐鮮血數口昏暈者良久家
人失措從茲飲食罕進連宵無寐氣息奄
奄問之醫人韓賓陽錢蕙等僉謂為憂思
過度心血耗散所致非歸休靜攝痊可無
期緣是愈憂愈病愈病愈憂輾轉相尋首
丘願切故前之乞休慮切於親而因及其
身今之乞休則身且弗保夫奚暇為親謀
哉烏鳥之私人所時有茲無再瀆獨計憂
生慮危之心鬱不得遂有槁死於海陵之
濱矣伏望憐察亟賜

題放俾獲生還等因據此簿查本年二月二
十日先據該道呈稱本職叨登仕籍二十
餘年遭際

聖明忝列方面捐糜報

國職分當然但稟氣最薄素有怯疾今當始
衰之年元神益憊衆病交攻筋骨疼痛左
膝麻木動履甚艱肌膚頻削且職父年八

十母亦七十有八止職一子遠聞職病旦暮倚閭愈加哀颯職感觸懷思恐身先朝露以貽父母之憂而病益甚醫人率謂疾在膏肓非旦夕可治一聞斯語萬念俱灰文移堆閣政務瓦解請乞體人倫之至情察病詞之非矯早為代

題放歸仍委揚州府署管道事三月十四日又據談道呈稱本職命蹇願違二親逼衰身病日劇近得家書謂職父右手疼痛左

足瘡痒晝夜呻吟飲食起居需人扶侍職母夙有痰喘之疾近益舉發愁苦不禁日與職父相向歔歔思見職而不可得職卧病聞此倉皇自失恨難奮飛憂心如焚肝腸刺痛此救死不遑尚安能躬簿書期會之事乎懇惟憐念速賜

題放等因談臣看得春汛屆期地方多事俱經批行在任調理去後今本官復呈前來且連連具稟詞益迫切歸念已堅難以力

挽卷查先准吏部咨為申飭告病事例以
明臣職以安地方事該本部題通行各省
直撫按官凡在外官員告病乞休照依舊
例將本官經管事務別委相應官署印即
為代

奏本部訪其素履酌量題

請等因題奉

欽依通行欽遵在卷今據前因除將該道事務
行委揚州府知府楊洵署管外謹會同總

理河漕工部尚書劉東星巡按直隸監察
御史吳崇禮議照右布政使陳璧年共力
而俱強才與誠而兩合兵戎既飭民吏歸
心正當共濟時艱立需大用乃雙親俱當
八十之年實獨子不易三公之日望雲孔
殷慶日誠切再四具稟言與淚俱臣等讀
之亦為心動況在本官其何能堪且杜門
日久道事多集似應准其休致以遂其私
遺下員缺另行銓補又惟真才難得正士

常淹以本官之才之識鎖鑰樞筦無不堪
寄乃徘徊至今一旦投閒臣等竊為
國家惜之合無比照近行事例候本官病痊
之日撫按奏薦起用庶在本官也既不遺
親又不後

君在

朝廷也既足作忠又足示孝此兩全兼盡之
術也世教風化之關也豈徒得一官一才
之效用而已再照江北之地近以監稅橫

征剝削殆盡民心已變實非昔比動則豎
竿扯旗搶貨殺官明欲叛亂真不畏死臣
等一人之身一人之力雖東安西撫南諭
北曉而承行無人何以支持竊料不測之
變決不在遠查得揚州府知府楊洵寬仁
特達能得衆心新補淮安府知府劉如寵
清正強幹足當卒變在楊洵見今考滿在
劉如寵已經考滿歷俸俱深例應遷轉合
無即於二官之中就近銓補一員剋期到

任一旦不虞臣等得以當面指授預計早
圖庶不悞事貽害地方伏乞

勅下吏部如果臣等所言不謬覆議上

請速為施行緣係道臣因親成疾照例代

題更乞就近速補以安地方事理未敢擅便
為此具本專差承差涂麟齋捧謹題請

旨

萬曆二十九年六月二十四日具題奉

聖旨吏部知道

叅狼山水陸將領疏

題為汛防已畢糾劾不職將官以肅兵戎事
案查先因倭報孔棘談南科給事中徐桓
題為倭警叵測要地可虞等事內陳防禦五
款該兵部覆議節開沿海省直各談總督
撫按官查照各邊事例每年終將見任防
汛將領等官稽覈勤惰分別功罪具

奏以憑黜陟以作士氣如有剋減月糧剝削
軍餉營謀陞遷并貪攘名色軍功者聽撫

按查叅重究等因題奉

欽依通行在卷諛臣查得江北沿海一帶每年防汛事畢年終行令揚淮二海防道將見在將領等官考挾泐慝止據其不肖總哨等官革逐一番蓋無可指摘之人故不必過於吹求耳今年春汛畢期節據揚州道開報內有貪縱將官剝兵歛怨之尤者是不可不亟一處之也况今水旱疊見鹽稅橫征揭竿之變旦夕莫測近日閩浙之報

倭奴更狡烏有窺竊之志內憂外患良可寒心且狼山一營僻在通州濱臨大海與島夷相對盈盈一水緩急安危惟將官是賴乃承平日久法紀廢弛以貪讞為常事視軍令如戲局若不重加懲治終難振刷謹會同巡按直隸監察御史吳崇禮據實查叅以肅營伍訪得狼山水兵把總趙嘉賢者力怯兼人行惟貪婪到任即假倚置辦傘轎令家人趙二串識字孫汝立計兵

一千一百每兵科派銀二錢共銀二百餘兩而褚銀寔為之過送補兵則科尅見面常例得民人王尚并捕盜陳有功等共兵五十餘名每名索銀五兩共銀二百有奇而趙二則為之查收聲言汰革老弱可謂勵精矣受李注等九名各銀三兩而免其申革缺兵召募填補允宜從公矣得李檀等九十人共銀百兩而方肯呈驗舵工張遂等老弱不堪前任王總兵查革各送銀

六兩而准其應役則過堂解驗者皆雇倩之人鹽徒曹第等通江販鹽福山虞把總會捕密得銀五十兩而任其縱橫雖急為追趕者亦假飾之意放糧加二扣除每月何止百金行伍不聞操練惟知賣假取利撥船送親過江致陳勝等十三人之性命殞於風濤而猶虛報出洋哨探出汛設取坐山索沙狼營七十船之常例盡入私囊以致衆兵紛騰怨謗此一臣者剝削殆盡

錙銖驅兵不恤水火使再擁時日必且脫
巾須早行究處方弭衆怨又若委管狼山
總兵標下陸營中軍事務通州所指揮僉
事秦希武心本奸貪性尤悍毒以營兵為
奇貨百出科歛之方借月餉為利罔屢肆
黷壑之欲領兵卒一千三百餘名共隊什
一百五十餘目指到任賀禮即索每兵銀
一錢頭目銀三錢總計一百七十餘兩王
文等之執稱不爽假母壽祝禮需每兵銀

一錢隊什銀五錢共約銀二百一十有奇
邢武等之扣送有據中秋科槩營兵節禮
一百兩作何公用元旦歛隊什長節禮四
十餘成何體統給散舊年三季口糧每季
每名尅支糧使用銀三錢杜逢時則為收
歛之人委放本年夏季月餉每月每名派
總兵交際銀二錢張節等則為辦送之後
征西回兵一百餘名宜入冊收糧也乃每
兵索銀一二兩號為叩見春防分兵二三

百名此每年舊例也乃每名科銀一二錢名為紙劄凡補隊什目兵必人人餽送見面方行呈驗總計得銀二百餘兩是以公選而反克私囊凡見本營頭目必吮吮厲色不少假借乃每扣月糧一箇月祇以嚴威而寔行嚇騙今年給散二三月糧料而每兵侵銀三四錢不等幾分其半矣每年春秋祭旗一次每目兵尅銀一二錢不等是吮其膏矣任事將及二載誅求不下二

就近陞補州官疏

題為正官久缺就近陞補以拯凋疲以濟時艱事本年八月內據新陞直隸揚州府泰州知州弋千仞稟稱原係陝西延安府神木縣知縣歷俸六年拮据萬狀屢經撫按保薦於萬曆二十八年十二月內陞授今職脫邊徼而適中土正策勵圖報之日不意命蹇行至中途偶得風寒飲食漸減怔忡交作延醫診視咸謂積勞所致必須靜

養數月方能痊可思欲從容就道則限期已迫欲勉強赴任則病體難支卑職之進退實為狼狽况泰州為維揚劇郡不可久缺正官今願改教職以便調理伏乞憐念半生鉛槧之勤六載邊疆之苦准行

題改庶望生全等因具稟到臣諛臣查得泰州知州張驥於舊年五月內先諛河臣論降尋被大察革職至十二月內推有神木縣知縣弋千仞陞補諛臣牌行嚴催到任

千匿狀不為無因眾怨亦已太甚臣等既得於道府之開報復加於體察之相同敢不為地方芟除弊蠹以安兵心執伏乞

勅下兵部再加查訪如果臣等所言不謬覆議上

請將趙嘉賢秦希武行臣等提問正法回

奏將扣剋科歛各項軍餉追還給散以警貪弁以安眾心仍容臣等嚴行揚淮二道逐一着意振刷一應弊端盡行釐革改正敢

有仍前不悛者不時叅

題拏問務使將領之貪縱少戢三軍之耳目
一新其於戎務軍機未必無小補矣緣係
汛防已畢糾劾不職將官以肅兵戎事理
未敢擅便為此具本專差承差蔡宗齋捧
謹題請

旨

萬曆二十九年七月初四日具題奉

聖旨兵部知道

延至今年八月內始具稟告病乞要改教
觀其情詞委非得已矧泰州地方界聯江
海積歲灾疲鹽盜之出沒無常商民之凋
瘵已極臣復駐劄於此軍門標下與夫揚
州道中軍官兵幾至二千撫字催科繩奸
稽餉所藉掌印官分猷共濟更為喫緊知
州弋千仞陞補已久乃以病甚竟未到任
願改教職正官懸缺年餘湏得久於地方
熟練民情者就近陞補方克有濟臣謹會

同總理河漕工部尚書劉東星巡按御史
吳崇禮巡鹽御史應朝卿議照量材授職
國家任官之公典因地擇人一時濟變之微
權泰州為江海要害之區又兵民繁劇之
會今弋千仞既以體病告改員缺不可久
虛故斟酌緩急應從近便看得鳳陽府屬
鳳陽縣知縣李存信撫災恤患極盡規畫
之詳清地平糧痛革飛灑之弊此一官者
薦剡交騰考滿已久皆經撫按考覈會本

保留而鳳地距泰密邇若令本官就近陞
補不特迎送之間節省民財而早任一日
地方亦免一日之叢脞矣相應題

請伏乞

勅下吏部再加查議如果臣等所言可采覆擬
上

請將李存信速行陞補勒限前來泰州到任將
弋千仞或改授教職或仍以原官改調以
全器使純乞

聖明裁定施行緣係正官久缺就近陞補以拯
凋疲以濟時艱事理未敢擅便為此具本
專差承差蔡宗齊捧謹題請

旨

萬曆二十九年八月十七日具題奉

聖旨吏部知道

薦江防府佺就近陞補疏

題為急缺衝疲郡守懇

賜就近填補卓異佐貳以安地方事頃緣揚州
道臣陳璧告病諫臣會議准令致仕而以
揚州府知府楊洵陞補已諫吏部

題覆荷蒙

聖明俞允其知府員缺又當酌議填補第今日
之揚州非昔日之揚州也蓋襟江帶海咽喉
南北財貨輻輳商民襍處理煩治劇得

一能吏坐治而有餘此在昔日則然耳今則蘆洲鹽稅交征

欽差中使四出提解紛紜告訐叢集加以本地
亡命之投充更以越境奸宄之出沒或假
官假

旨或詐物詐財莫不欲渾吞各商席捲萬姓故
官此郡者不惟應酬之難而且稽查之難
不惟擔當之難而更調劑之難揚民憔悴
於虐政未有甚於此時者也揚郡疲劇於

他省未有難於此時者也查得揚州府江
防同知李仙品一介不取百事敢為守如
處子用如脫兔故強暴畏之如神明良善
恃之如慈母公自生明廉自生威無足恠
者境內所屬各官雖頗皆砥礪求如本官
之才與守而俱優心與口而不爽不再得
也昔令山西大有聲譽偶轉府貳公論惜
焉頃山西巡按御史趙文炳移書於臣謂
本官長治之政卓爾不羣今離任雖久似

仍當薦此異等以風示海內且本官蒞任江防已及三年見今具文考滿若將本官就近陞補本府知府庶上下咸宜商民得所其為地方之利賴不淺鮮矣蓋一則刻期到任一則吏習民安一則公道獲伸一則為善者勸此一舉也具四便免四難用是不避煩

瀆謹會同總理河漕工部尚書劉東星巡按御史吳崇禮巡鹽御史應朝卿特為上

請如蒙

勅下吏部再加查議如臣等所言不謬覆議請旨將李仙品陞補揚州府知府令其速行到任地方幸甚臣等幸甚緣係急缺衝疲郡守懇

賜就近填補卓異佐貳以安地方事理未敢擅便為此具本專差承差蔡宗齋捧謹題請旨

萬曆二十九年八月二十日具題奉

聖旨吏部知道

府佐給由疏

題為遵例保留給由府佐官員事先據直隸鳳陽府申准劄本府白龍王廟地方歸德府帶銜捕盜通判龐應熊牒稱見年三十三歲陝西延安衛靖邊所籍山西太原衛人由選貢萬曆十七年四月初九日除授四川太平縣知縣本年九月二十六日到任二十一年四月初七日丁母憂服闋赴部二十四年四月二十一日復除河南

南陽府鎮平縣知縣本年六月二十八日到任二十五年十月十四日陞授今職本年十二月二十五日到任扣至二十八年十一月二十四日止連閏實歷俸三十六箇月三年任滿例應給由等因牒府申報到臣隨經批行潁州兵備道查勘去後今據該道兵備右叅政李維楨呈行據鳳陽府呈查得駐劄本府白龍王廟地方歸德府帶銜捕盜通判龐應熊三年任內並無

不明經手錢糧亦無粘帶不了事件公私過名等項違礙情弊例應給由造冊赴部考覈但本官設居省直交會之界盜賊出沒之區近日亳州知州程蘊隆偶爾病故見今委署該州印務時值地方災傷全賴本官料理難以離任合應轉達照例保留等因到道看得通判龐應熊三年任內委無違礙應准給由但本官駐劄白龍王廟與河南接壤素為盜賊出沒之地且切近

亳州地方荒歉適缺正官全藉本官撫恤
彈壓實難離任請乞照例保留等因具呈
前來據此查先准吏部咨為酌議考課
之法以肅吏治事今後在外三六年考滿
官員除方面府佐照舊赴京有事地方照
舊保留聽撫按從公考覈賢否具
奏先令帶俸就彼復職管事牌冊差人齎繳
其稱職經薦應得
誥勅命者照例

請給等因題奉

欽依移咨遵行在卷今據前因該臣會同巡按
直隸監察御史吳崇禮考覈得鳳陽府屬
白龍王廟地方歸德府帶銜捕盜通判龐
應熊年富力強才明守慎稱職第本官職
司捕盜駐劄省直聯界之區素為盜賊之
藪近以地方災荒饑民流徙又值逼境亳
州偶缺正官見委本官署印弭盜安民全
藉本官撫綏鎮壓既經諛道查議前來相

應保留伏乞

勅下吏部查議上

請照例行令龐應熊免其赴部容令接俸管事
造冊差人齎部考覈施行緣係遵例保留
給由府佐官員事理未敢擅便為此具本
專差承差蔡宗齎捧謹題請

旨

萬曆二十九年八月二十日具題奉
聖旨吏部知道

報上源水患疏

題為黃河異常徙決懇乞亟

勅當事臣工趁時疏築以安

陵運民生事據潁州兵備右叅政李維楨呈稱
蒙臣批據本道呈報宿亳蒙城等州縣水
患緣由遵依劄行鳳陽府查勘續據回稱
被災地方遼闊各官尚未徧歷急難類報
本府目覩時艱深切憂懼看得懷遠縣止
于被災無收尚可議處在泗州五河原屬

水鄉今災視往尤甚至於河決及于亳州
蒙城入于潁州太和符籬之患切近宿州
靈璧浸及虹縣虹泗接壤泗有

祖陵在焉地當其下萬一水勢澎湃不無可虞
各州縣地方秋水汪洋田禾淹沒雖被災
各有差等大約均至九分之上惟宿毫蒙
城水勢洶湧城垣昏墊人民溺傷者過多
田廬衝淌者殆盡似不可與勘災往例比
今百姓枵腹待哺無室可棲命繫倒懸莫

此為甚又豈可照常處之者哉合無轉達
早賜題

請大破常格先發賑濟以治其標次議蠲折以
固其本待水退年豐另行議處第恐黃水
入泗漫至

陵園必須遙築隄防庶無衝突之患等因到道
為照勘災事例夏不過五月秋不過七月
今已在九月而報災者方來其不同一矣
往時霖雨水泛尚以漸次易究根因今黃

河潰決突然而至不知所從來其不同二
矣秋雨或秋旱為災止是一事今秋災之
後繼以河決大災其不同三矣且所謂災
者為民生也今之災則為

祖陵憂其不同四矣被災之民死者不可復生
而恤之在我貧者不能自全而賑之在我
惟

祖陵受河之患而河之上流不在我築塞之功
不在我即虹縣有歸仁隄所以防河決挑

源諸縣以護

祖陵而今河所經歷非其地矣往日淮與河交
匯淮不勝河壅而上逆為

祖陵憂者淮也今日河羈入淮之中潰而直下
為

祖陵憂者河也壅而上逆潰而直下其勢之強
弱緩急大小不待勘而知也河決黃涸口
以來宿州之北鄉受水而由睢寧入海今
河沒亳州蒙城宿州之南鄉靈璧固鎮驛

五河虹懷遠各縣此數州縣者水皆入淮
由泗州不待勘而知也即以今年論陰雨
連綿數月水之漲溢無恠其然今九月秋
深無雨而淮水漲溢同於四月此院道親
臨泗州所見不待勘而知也固鎮驛之有
漕水可通歸德府地方而下會五河縣以
入淮今河入漕漕舍淮再無別路往來使
客由旱程者見固鎮水阻改由他道去不
待勘而知也夫河勢南徙黃堍口不塞致

有今日安知由宿州之北鄉入睢寧者日
後不盡徙而入固鎮之漕水以入淮乎語
云千丈之隄潰於螳穴鳳陽州縣所在皆
穴而無尺寸隄禦之不可為寒心哉各州
縣各為其民但言水災水災已耳無一字
及於

祖陵者彼不知水患之及

祖陵也即泗州但見水長而不知黃河已潛入
其中惟淮安府管河運同許一誠所具圖

說深知利害原委蓋黃河之患有三一曰
祖陵二曰運道三曰民生運道不在職地方民
生則職可任蠲恤而惟

祖陵無可措手涸涸不塞將為江河今日之勢
豈啻涸涸而已此職之事也職之責也不
早為言萬一有不測之患雖身伏斧鑕何
益哉竊意救災不過蠲賑朝下停徵之令
而民夕得安枕矣賑則便宜行事可不待
報矣惟防護

祖陵事宜必

廟議主張非外臣所可專擅而築塞上流又不
在江北地方上流地方未必悉河之為

祖陵患如此其急文移往返動以月計轉盼冬
春議何時定工何時舉誠不可不汲汲也
目今報災當以

祖陵為先請乞早行題

請速計利便長策以免臨渴掘井之患其互相
勘災各官緣水勢泛濫又素無舟楫處一

時難以徧歷待候勘明另報等因呈詳到
臣看潁河決歸德似且盡趨東南異常變
遷恐於

陵寢有虞據議詳悉仍候會議

題行受水獨慘去處諛道可先行查堪動銀
穀賑恤批行去後案查先據淮安府管理
徐屬河務運同許一誠呈稱職於本年八
月十三日由宿州固鎮驛見漕河黃水勢
大面闊五六里水深一二三丈詢及土民

顧輓等稟稱七月十一日河南歸德府隄
岸衝決黃水由漕河包河直射東南永城
宿州一帶勢甚可虞該職隨差熟知河道
水手同畫匠前去河南探勘上源衝決隄
口并下流處所續據各役回稱黃河自歸
德府商丘縣地方丁家道口西先將縷水
隄決開一口闊二里水深一丈五六尺又
將虞城隄鄧賓口至楚家灣隄岸衝決二
口闊五里水深一丈二三尺直抵歸德府

西水池鋪由府城週圍南流至永城縣地方會亭驛衝決隋隄闊一百二十五里平地水深七八九尺至一丈二三尺不等一股由會亭驛南馬頭寺入澮河包河又由鄆縣城王家集和順集新橋集栢山集麻種集丹城臨渙韓村孫疇南平集開縣湖溝固鎮驛下五河入洪澤湖清口一股由會亭驛東北鄆陽集任禮口鐵佛寺符籬集出白洋河其黃堙口迤上舊河沙淤乾

斷止楚家灣順隄微水東流闊一二丈深一二三尺由唐家口至申家營新決口往南亦入符籬集河看得黃河潰隄淤墊舊河若不早加築濬彼處久不行水地勢低窪又有澮包等河容納未免泛濫中原運道民生干係重大為今之計築決濬河皆為急務一面將徐州李吉口迤西凡有決口之處併力堵塞至於未決之隄亦加幫高厚以免西南遷徙之虞一面將李吉口

迤東凡有高阜河身相度挑挖至於窄狹之處亦展闊寬闊以順東向奔趨之勢庶故道可復

國計有裨等因并河圖一本呈報前來續據淮徐兵備副使劉大文呈稱蒙總理河漕劉尚書批據管河許運同亦呈報黃河變遷緣由諗本道會同中河分司濟寧兵備道會勘得河漕相須由來非一日矣自萬曆二十四年黃堠口大決全河由符籙

徐溪口出小河白洋河而徐邳運道歲苦淺澀二十七年開趙家圈三仙臺引河出小浮橋連年運事頗利而伏秋河漲仍多潰決已蒙總河衙門開濬泇河為運道計工未告竣試已有效再加展挑運事可濟即緩圖於河待其自定可也據許運同所報自本年七月十一日商丘縣丁家道口西首縷隄決開闊二里虞城縣鄧賓口至楚家灣隄岸衝決二口闊五里直抵歸德

府城南流至永城縣會亭驛衝開隋隄闊一百二十五里入澮河包河又由鄆縣城等處至固鎮驛下五河入洪澤湖一由會亭驛東北鄆陽集等處出白洋小河口其黃垆口迤上舊河悉已淤乾斷是今日之決口非復前日之決口今日之遷徙非復前日之遷徙萬一侵及

陵園關係重大此不可不長慮而預為之防也查得決口雖闊水勢瀰漫多未成河堵築

尚易為力合無請乞軫念前項決口所係匪細速行河南管河等官上緊堵塞逼水仍歸舊河其李吉口相機節制導之東注俾免南奔其於

陵運民生胥有攸濟矣理合通詳等因據此該臣看得所議河患甚切但本院職專撫循河事未可越俎仍候會同總河部院

題議亦經批行去後為照河性不常從古為然故徐邳直下會合淮河彼此盈漾淮弱

河強為泗州

祖陵沮洳之患者蓋有年矣當事臣工焦勞萬狀議遣科臣會勘而為分黃渠淮之舉迄

今數年

祖陵運道民生胥利賴焉今茲揚鳳之地霪雨

為霑臣於五月內題

報行按臣勘議蠲恤而報災傷者接踵而至故

臣於疏中說明俟有續報并罹秋災者併聽按臣勘議臣又不時行令各屬隨宜賑

濟至九月間鳳屬亳宿蒙城等處報水災至者異而且大臣以為黃堙口五六年来黃河南趨俟勘災之輕重分別蠲恤而已不謂河決上源汎濫潰溢行且為

陵寢民社之患則臣有不容已於言者先年總漕大臣兼巡撫鳳陽地方後緣河道壅逆議者分行職掌漕併於河而獨設巡撫不與漕河之事矣今之河道從上源潰決水勢瀰漫俱當臣撫循之地故河之決否臣

不敢知而

陵寢民患則臣又不敢不知既經道府各官呈

報前來謹據實

上聞至如起時踏勘預籌疏治之方不惜大費
增加防捍之畧大小河臣自有畫策則非

臣愚所計耳伏乞亟

勅工部覆議上

請速宜舉行庶有以保護

陵寢上慰

聖懷而臣待罪地方亦少逭於罪矣緣係黃河

異常徒決懇乞亟

勅當事臣工趁時疏築以安

陵運民生事理未敢擅便為此具本專差承差

蔡宗齊捧謹題請

旨

萬曆二十九年九月十五日具題奉

聖旨工部知道





